

هر لسانده هر نوع آثار علمیه و ادبیه
واجباً علمیه متشکراً قبول و درج
اولونور

آدرس : ADRESSE

IDJTIHAD
Caire

الاجتهاد

سنه لاك آبونه بدلی هریر ایچون (۱۳) فرانقدر

روسیا ایچون ۵ روبلادر

تلفون : ۲۴۶۵

پوسته اجرتی داخل اولماق سزین

نسخه سی (۱) فرانقدر .

ایکنجی سنه

آیده بر دفعه نشر اولونور ، سر بست ، مجموعه علمیه و اسلامیه در

(ترقی) دن و محرومی صباح الدین بك افندی دن بر آری بحث
ایتمشدك، بو كنج-بوصفت اونك ایچین برفضل دیگر در-
منسوب اولدینی خاندان سلطنت عثمانیه افرادی ایچینده ،
مثلی نادر و باخصوص اوچوز سنه دن بری اندر اولان
بر عالم ، بر متبحر ، بر مدقق ، بر حریت پرور ، بر
علوی امل در ، افعال و استقبال بو حکملری عزی بی
حکم بر آهاسین .

مشار الیه دن بحث ایدرکن استعداد علم و ادب جهشیه
کندیسنه بکزهین شهزاده جم ، بدبخت جم ، قارداشنگ ،
بالواسطه ، قربان استبداد و جنایتی اولاراق (ناپولی) ده
مسموماً ارتحال ایدن او شهریار شاعر خاطره کایر .
فقط اونك زمانی باشقا ایدی ، صباح الدین بك افندیك
زمانی ، محیطی ینه باشقا (ترقی) ، همان ایکی سنه اولیور ،
هر نسخه سی دائماً بر چوق دقیق و مصیب افکار و مالا-
حظاتی حاوی مقاله لرله مزین اولاراق چیقیور . زبرده کی
مقاله (کنجلمرزه مکتوبلرم) عنوانی آلتیمده (ترقی) ده
نشر ایتدیکی خطاب لردن در ؛ صباح الدین بك افندیك
دایسی اولاجاق قیزیل سلطان ، خون معصومین ایله
قیپ قیزیل عبدالحمید وطنك هر گوشه سنی خیانت واستبداد
دی ایله خراب و بر مأوی بوم و غراب ایدرکن بو
عالیجناب همشیره زاده نك كتاب و خطابی ایله نه یمان
لوحة تضاد کوز اوکنه کلیور . قریم محاربه سنده
عسا کرمنز آجلق دن ، چیملاقلق دن قیریایرکن ، نیجه
آبالر ، قیزلر ، زوجلر قان آغلارکن سراینده چرکس
قیزلرینه حوره تبیروپ راقی آتمايه ، سفاهتیه عیش و
عشرتیه ، لایقیدانه دوام ایدن سلطان عبدالحمیدك کریمه زاده
ده سی ، طورونی صباح الدین بك افندی ، شیمدی ،
باقك نه سویله یور :

منتهی اولور . هند ، یونان دن هیچ برشی آلمادی . فقط
هر ایکی سی ده عینی منبع دن نیجه عصرلر ، مصر و آثور
اقوامی طرفندن تدارك اولونان و کافه مدنیاتك تملی
اولان او خزینه عمومیه دن استنباط ایتدیلر . یونان ؛
فنیکی لیلر ، و آسیای وسطی اقوامی واسطه سیله ، هند ،
ایران واسطه سیله مذکور خزانه عمومیه دن استفاضه
ایتدی . بو جهته یونان و هند مدنیت لری اصلاً بر منبع
مشترک واصل اولور ، هر حالده ایکی خطه ده ، بو
منبع دن خروج ایدن جریان لر ، هر عرقك دهاسنه
کوره یکدیگرندن ، آز زمانده عمیقاً متباعد اولدی .
فقط سویله دیکمز وجهه ، صناعت عرقك بنیه عقایه سیله
متناسب اولدیغنه و بوسیله ، غیر مشابه عرق لر طرفندن
استعاره اولونان عینی صناعت در حال اشکال مختلفه
اکتساب ایتدیکنه نظراً غایت متباین عرق لر طرفندن
اسکان اولونان هندستانك ، اعتقاداتك عینیتمه رغماً ،
غایت مختلف صناعاته مالک اولماسنه منتظر و قائل اولما من
لازم کایر .

(مابعدی وارد)



غزته لر مزدن

(اجتهاد) ك برنجی سنه سنك ۱۱ نجی نسخه سنده

حیاته طوغرو

سلطنتی اشغالیدن اول و اشغال حرصیه قانون اساسی بی قبول ایده رک ملت مجلسی آچه جغنی مدحت پاشایه یمینارله وعد ایتیدی . اوتوز ایکی سنه صکره صورمغه ینه حقمر یوقی ؟ پیغمبر پوستنده یم دینک یمینلری نه اولدی ؟ مجلس مبعوثان مدافعلری نه اولدی ؟ ... ملتدن حق تفتیشی سابع ایتدی ؛ ایلاکنه چالیشانلری محو ایتدی ؛ وجدانلره سکوت امر ایتدی ... فقط نه اولدی ؟ ...

باغارستان ، روم ایلی شرقی ، بوسنه هر سک ، قارص ، باطوم ، تسالیا ، قبریس ، مصر ، کرید ، کیتیدی ؛ متصل ده کیدیور . صالح ، حرب ، غلبه ، هپسندده غیب ایتدک ... سکوت ، اوینه سکوت امر ایتدی !!! فقط حق و حیثیت نه اولدی ؟

کویلونک قیریق چوملکلی ، کیجهلری صارلینی برتیق پوسته کیستی ده ضبط ایدیور . آناطولینک بعض یرلرنده انسانلری آغاج قوغو قلدند ، حیوانات وحشیه اینلرنده ایکله تیور ! آرتق نه بیه جک اکمک نه یاتاجاق ... هیچ برشی یوق ... حکومت سینه سی بتون وارلغنی ایشته بو یوقلدن چیقاریور !



قرون ماضیه نک بی بها مدنیتلرینه مهد ظهور اولان بر قطعه بی نظیر خلقتک المزدده مزارستانه چورلدیکی تاشا ایتک ؛ بوتماشاده دوام ایچین ده جلالده دکاسه .

هیچ اولمازسه مزار جیلغه قاتلامق ! ... کوملمه مک ایچون کومکک چالیشمق ! ... حدودمک او بر طرفنده بر جوشش سعی و تشبث ، واسع بر اعتلای مدنی ! ... بو طرفنده مشغوم بر مسکنک ، قاب قاره بر کتله خجالات ! ...

سنه لر زهرلی بر بطائله کچیور ؛ کچدکجه مزار جیلر کومه کومه چوغالیور ، حیثیتمز درجه درجه آچالیور . وطنمز پارچه پارچه المزدن چیقور . فقط ... اوینه سکوت امر ایدیور ! ... عبدالحمید ؟ ... مرکز استنا . دینی کفندده بوله میان ملت ! ...

اوته کیلری زراعت ، صنایع ، تجارتدن مصنوع برید اعجازکارله قاورادقلری قره طور اقدن بر معبد نفائس ، بر وطن مقدس چیقاریورلر ! اولره مهد حیات اولان طور اراق بزه یالکیز قبرستان ... حریت و حیثیتمز کومدیکمز بر هیجستان !

§

شکر که زمان پایانسز بر تکامل اوننکه دکلی که ادرا کمزک ایریشه مدیکی فقط یوره کاریمزک حس ایتدیکی بر قدرت علویه معدن باره دن غیر اندیش بر وجدان ، علمشمول بر محبت یتشدیریور ! ... طاشلره القای روح ایدن بو بیوک حرکتدن یالکیز بزمی هه جور ؟ ...

اوستمزده چوکن ، جکرلرمزه ایشلین ، قائمزه قاریشان بوماعون استبدادک بی امان پخه سنده قانایه قانایه بابل ، ننوا و ایقاریوم کولربندی قاریشه جغز ؛ : جهان ترقی پر ولوله غیرت ، کشفیات پیانی ورود ایله وسعتاشیر - ن ... بر تابوت انقراض ایچنده می کلیدلنه جکر ؟

§

بر قاق قلبک ملی بر المله قنادینی ، شخصی بر تشبته

کچیر یلمشدر . (کنج تورکار) و بونلرک حال و
استقباللرینه دائر مصیب مطالعهلری وار .
(اجتهاد)ک کلهجک نسخهلرنده بعض بختلرینی ترجمه
و نشر ایدیهجکیز . مؤلفک مساعدهسی اوزهرینه، مذکور
کتابیده موجود بعض مهم رسملر (قلیشهلر) (شورای
عثمانی)یه و (اجتهاد)ه دوج ایدیلهجکدر . کتابک بهاسی
۱۲ فرانقدر .

موسیو پول ففشک آدرهسی بر وجه زیردر :

M. PAUL FESCH

Villa Montmorency

15, Avenue de Peuplier

PARIS

تحریر المرنه

قاسم امین بکک عربجه قلمه آلمش و بوندن تقریباً اون
سنه اول طبع ایتدیرمش اولدینی بو اثر مهم بوسف
ساح اصمعی بک طرفندن تورکجهیه ترجمه ایدیلمش و طبعنه
ابتدار اولونمشدر . (تحریر المرنه)ک تورکجهسی قادینلری
اعتاق ایتمک ، قادینلرک حریت طبعیه انسانیهلرینی ویرمک
دیمکدر . بو کتاب چوق مهم بر کتاب اولاجاق . مسلمان
لرک مرض اجتماعیلرینک منبعی مسلمانلرک بر تربیه سالمه و
بر حریت مسلمانیه مالک اولمامالری و جمله مزک جاهل و
اسیر والدهلردن دنیایه کله مزددر بر کره بو حقیقت، که هر
عقل سلیم ایچین غیر قابل رددر، قبول اولوندوقدن صوکره
کتابک اهمیت عظیمهسی میدانه چیقار .

کتابک اکمال طبعنه قادر بکلهیه، مینلر فورمه فورمه آلا
بیایرلر . تحریر المرنه ایچین (اجتهاد) اداره خانه ده مرا-
جهت اولونا بیلیر یاخود دوغروجه مترجمه یازیلیر .

برلشدیکی کون... مزار جیلر ایسترسه میلیونلر اولسون،
کومکله چالیشدقلری حیات ایچندن غیر اندیش بر وجدان
عالمشمول بر محبت ، کومولیهجک بر وطن انکشاف
ایتمشدر .

۱۴ کانون نانی ۱۹۰۸

صباح الدین

مطبوعات جدیده

CONSTANTINOPLE

aux derniers jours d'Abdul Hamid

(عبدالحیدک صوک کونلرنده ایستانبول) عنوانی
آلتمده فرانسزجه یکی بر کتاب موقع انتشاره قونولدی .
مؤلفی موسیو پول ففش Paul Fesch اسمنده بر ذاتدر .
کتابی سریع بر نظاردن امرار ایتدک مؤلفنک خیر
خواهاتی، بی طرفلانی شبهه کورتورمه یور . کتاب ۶۷۳
صفیفهک غایت نفیس و مصور اولاراق مطبوع بویوک بر
جلد تشکیل ایدیور . ایچینده ۳۰۰ عدد رسم وارددر .
مؤلفنک نظر تدقیق و معاینهسی یالکیز ایستانبول
اوزهرنده دولاشمایور . عهد عبدالحمیدیده تورکیانک
کافه احوالی ، کافه انقلابات و انحلالاتی بیرر بیرر کوزدن